

«ТАСДИҚЛАНГАН»
““SQB Insurance” sug’urta kompaniyasi” AJ
Ягона акциядори қарори билан
“O’zbekiston sanoat-qurilish banki” ATB

«РЎЙХАТДАН ЎТКАЗИЛГАН»
Ўзбекистон Республикаси
Иқтисодиёт ва молия вазирлиги

Бошқарув раиси


С.С. Аннакличев
2023 йил «10» май AJ-02/2023-сон


Вазир ўринбосари


Г.П. Раҳимова
2023 йил «2» июнь


““SQB INSURANCE” SUG’URTA KOMPANIYASI” AKSIYADORLIK
JAMIYATINING ҚЎШИМЧА АКЦИЯЛАР ЧИҚАРИЛИШИ ТЎҒРИСИДАГИ
ҚАРОРИ

Идентификация рақами берилди:	R	U	1	0	3	P	0	9	3	4	W	4
-------------------------------	---	---	---	---	---	---	---	---	---	---	---	---

Номинал қиймати 1 000 сўм бўлган 7 583 625 дона эгасининг номи ёзилган ҳужжатсиз шаклдаги оддий акциялар.

Мазкур чиқарилишдаги акциялар ёпик обуна усулида жойлаштирилади.

Акцияларнинг ушбу чиқарилиши учинчи чиқарилишдир.

Жамиятнинг Ягона акциядорининг 2023 йил «10» майдаги AJ-02/2023-сонли қарорига асосан акциялар чиқарилиши тўғрисида қарор қабул қилинган ва тасдиқланган.

Эмитентнинг жойлашган жойи, почта манзили, мулоқот телефонлари ва электрон почта манзили: 100000, Ўзбекистон Республикаси, Тошкент шаҳар, Мирзо Улуғбек тумани, Мустақиллик шох кўчаси, 5-уй, тел.: +998 71 202 55 05, электрон почта манзили: www.sqbinsurance.uz

Эмитентнинг раҳбари:




Халилов А.А.

Бош бухгалтер:

Есенкулова К.К.

2023 йил «10» май

1. Ушбу чиқарилишдаги эгасининг номи ёзилган акциялар тури (оддий ёки имтиёзли): оддий.

2. Ушбу акциялар чиқарилишининг шакли: хужжатсиз.

3. Ушбу чиқарилишдаги акцияларнинг номинал қиймати (сўм): 1 000 (бир минг) сўм.

4. Ушбу чиқарилишдаги акцияларнинг сони (дона): 7 583 625 (етти миллион беш юз саксон уч минг олти юз йигирма беш) дона.

5. Ушбу чиқарилишнинг умумий ҳажми (сўм): 7 583 625 000 (етти миллиард беш юз саксон уч миллион олти юз йигирма беш минг) сўм.

6. Ушбу чиқарилишдаги акциялар эгаларининг ҳуқуқлари: Жамиятнинг акцияларига эгалик қилиш акциядорларга Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонунининг 26-27 ва бошқа моддаларида назарда тутилган ҳуқуқларни беради.

Жамият акциядори қуйидаги ҳуқуқларга эга:

- жамият акциядорларининг реестрига киритилиш;
- депо ҳисобварағидан ўзига тааллуқли кўчирма олиш;
- жамият фойдасининг бир қисмини дивидендлар тарзида олиш;
- жамият тугатилган тақдирда ўзига тегишли улушга мувофиқ мол-мулкнинг бир қисмини олиш;
- жамиятни бошқаришда иштирок этиш;
- жамиятнинг молия-хўжалик фаолияти натижалари тўғрисида тўлиқ ва ишончли ахборотни белгиланган тартибда олиш бундан қонунчиликка асосан жамият сирини ташкил қилувчи маълумотлар мустасно;
- олган дивидендини эркин тасарруф этиш;
- қимматли қоғозлар бозорини тартибга солиш бўйича ваколатли давлат органида, шунингдек судда ўз ҳуқуқларини ҳимоя қилиш;
- ўзига етказилган зарарнинг ўрни қопланишини белгиланган тартибда талаб қилиш;
- ўз манфаатларини ифодалаш ва ҳимоя қилиш мақсадида уюшмаларга ва бошқа нодавлат нотижорат ташкилотларига бирлашиш;
- қимматли қоғозларни олишда зарар кўриш, шу жумладан бой берилган фойда эҳтимоли билан боғлиқ таваккалчиликларни суғурта қилиш.

Акциядор қонун ҳужжатларига ва жамият уставига мувофиқ бошқа ҳуқуқларга ҳам эга бўлиши мумкин.

7. Ушбу чиқарилишдаги акцияларни олинишига нисбатан жамият уставидagi ва/ёки чиқарилиш тўғрисидаги қарордаги ҳар қандай чеклашлар: Ушбу чиқарилишдаги акциялар мазкур қарор қабул қилинган кун ҳолатига ““SQB Insurance” sug’urta kompaniyasi” aksiyadorlik jamiyatining Ягона акциядорига ёпиқ обуна усулида жойлаштирилади.

8. Жамият устав капиталининг миқдори (сўм): 45 501 750 000 (қирк беш миллиард беш юз бир миллион етти юз эллик минг) сўм.

9. Илгари жойлаштирилган акциялар сони (турлари бўйича тақсимланган ҳолда кўрсатилади): 45 501 750 (қирк беш миллион беш юз бир минг етти юз эллик) дона оддий эгасининг номи ёзилган хужжатсиз (нақдсиз) акциялар.

10. Илгари жойлаштирилган облигациялар сони (турлари ва кўринишлари бўйича тақсимланган ҳолда кўрсатилади): Жамият томонидан илгари облигациялар жойлаштирилмаган.

11. Ушбу чиқарилишдаги акциялар жойлаштирилишининг шартлари ва тартиби.

11.1. Ушбу чиқарилишдаги акциялар жойлаштирилишининг усули (очик ёки ёпиқ обуна): Ушбу чиқарилишдаги акциялар мазкур қарор қабул қилинган кун ҳолатига ““SQB Insurance” sug’urta kompaniyasi” aksiyadorlik jamiyatining ягона акциядори - “O’zbekiston sanoat-qurilish banki” АТВга ёпиқ обуна усулида жойлаштирилади.

11.2. Ушбу чиқарилишдаги акциялар жойлаштирилишининг муддати: Мазкур чиқарилишдаги акциялар қўшимча акциялар чиқарилиши тўғрисидаги қарор давлат рўйхатидан ўтказилган кундан бошлаб 30 (ўттиз) кун ичида жойлаштирилади.

Жойлаштиришни бошланиш санаси: мазкур акцияларнинг чиқарилиши давлат рўйхатидан ўтказилган кун.

Жойлаштиришни тугатиш санаси: ушбу чиқарилишнинг охириги акцияси жойлаштирилган кун ҳисобланиб, ушбу сана акцияларни жойлаштиришни бошланиш санасидан бошлаб 30 (ўттиз) кундан ошмаслиги лозим.

11.3. Ушбу чиқарилишдаги акциялар жойлаштирилишининг тартиби: Ушбу чиқарилишдаги акцияларни жойлаштириш ҳеч қандай фуқаролик-ҳуқуқий битимлар тузилмаган ҳолда биржадан ташқари уюлмаган бозорда амалга оширилади. Ушбу чиқарилишдаги акциялар ““SQB Insurance” sug’urta kompaniyasi” aksiyadorlik jamiyatining ягона акциядори - “O’zbekiston sanoat-qurilish banki” АТВга ёпиқ обуна усулида жойлаштирилади. Бунда андеррайтерларни жалб қилиш кўзда тутилмаган.

11.4. Қимматли қоғозлар марказий депозитарийси ва қимматли қоғозларга бўлган ҳуқуқларни ҳисобга олишни амалга оширувчи инвестиция воситачисининг ташкилий-ҳуқуқий шаклини ўз ичига олган тўлиқ фирма номи, жойлашган жойи, почта манзили, телефони:

Қимматли қоғозларнинг Марказий депозитарийси Давлат корхонаси. Манзил: 100170, Тошкент шаҳри, Мирзо Улуғбек тумани, Мустақиллик кўчаси, 107. Тел.: 71 267-37-42.

11.5. Ушбу чиқарилишдаги жойлаштирилаётган акцияларни олишга бўлган имтиёзли ҳуқуқни амалга ошириш тартиби: Ушбу чиқарилишдаги акцияларни олишда имтиёзли ҳуқуқни қўллаш кўзда тутилмаган.

11.6. Ушбу чиқарилишдаги акциялар баҳоси (баҳолари) ёки жойлаштириш баҳосини белгилаш тартиби: Ушбу чиқарилишдаги акциялар номинал қийматда жойлаштирилади.

11.7. Акцияларни тўлаш шартлари ва тартиби: Ушбу чиқарилишдаги акциялар учун тўлов Жамиятнинг 2022 йил якуни бўйича олган соф фойдасининг бир қисми ҳисобидан бухгалтерлик балансида тегишли ўтказмалар орқали амалга оширилади.

11.8. Ушбу акциялар чиқарилиши амалга олмаган деб топилган тақдирда эмитент томонидан акциялар тўлови сифатида олинган воситаларни қайтариш тартиби: Ушбу акциялар чиқарилиши амалга олмаган деб топилган тақдирда тўлов сифатида қабул қилинган тўлов воситалари қонунчиликда белгиланган тартибда бухгалтерлик балансида тегишли ўтказмалар орқали 10 кун ичида қайтарилади.

12. Эмитент томонидан қимматли қоғозлар чиқарилиши (қўшимча чиқарилиши) тўғрисидаги ахборотни Ўзбекистон Республикаси қонун ҳужжатларига мувофиқ ошқор қилиш тартиби: Акциялар чиқарилиши тўғрисидаги ахборот ушбу чиқарилиш давлат рўйхатидан ўтказилганидан сўнг қонун ҳужжатларида белгиланган тартибда Корпоратив ахборотнинг ягона порталида (openinfo.uz) ва жамият расмий веб-сайтида (www.sqbinsurance.uz) эълон қилинади. Акциялар чиқарилиши тўғрисидаги қарор асли билан Тошкент шаҳар, Мирзо Улуғбек тумани, Мустақиллик шох кўчаси, 5-уй манзилда танишиш мумкин.

13. Бошқа маълумотлар: Кўзда тутилмаган.

Рақамланган ва ип билан тикилган

Жами 30231 барак

ИМЗО

